



Broj:02-02-896-1/16  
Jablanica, 22.06.2022. godine

## Vijeće za konkurentnost

### Izvod iz zapisnika sa XXXII (32.) sjednice Vijeća za konkurentnost općine Jablanica održane dana 22.06.2022. godine sa početkom u 14:00 sati

**Prisutni:** Damir Šabanović – Općinski načelnik, Dženan Mulahasanović – Sekretar organa državne službe Općine Jablanica, Emir Muratović – Predsjedavajući OV-a, Alma Pinjić – „Modular“ d.o.o. Jablanica, Elma Bajramović – „Jablanit“ d.o.o. Jablanica, Ramiz Zahirović direktor JP EP BiH - Podružnica Jablanica, Adis Šabanović - Savez poljoprivrednih udruženja Jablanica, Kemal Muratović - predstavnik Službe za zapošljavanje HNK – Biro rada Jablanica, Amela Muratović - Služba za LER, investicije, finansije i trezor, Jusuf Maksumić - Restoran Maksumić, Uzeir Zahirović – BH Granit, Jasmin Hujdur – „Pekara Hujdur“ Jablanica.

**Odsutni:** Zijad Bišić – V.O. „HM“ Jablanica, Amir Džafić – „Voćepromet“ d.o.o. Jablanica, Martin Zelenika – predstavnik JP EP HZHB Radna jedinica "Elektro-Doljani".

Zamjenik predsjednika VZK -a Dženan Mulahasanović, pozdravio prisutne, te konstatovao da sjednici VZK-a prisustvuje ukupno 11 članova od čega šest (6) članova javnog sektora, pet (5) člana privatnog sektora te se može pravovaljano odlučivati. Na poziv Zamjenika predsjednika sjednici prisustvuju i pomoćnici načelnika Općine Jablanica Aldin Širić – Služba za opću upravu, društvene djelatnosti, boračko-invalidsku zaštitu, socijalna pitanja i zajedničke poslove i Nermin Kovačević – Služba za upravu za prostorno uređenje građenje, zaštitu okoline i stambeno-komunalne poslove.

Predložen je slijedeći Dnevni red:

1. Izvod iz zapisnika sa XXXI (31.) sjednice VZK-a
2. Izbor Predsjednika i Zamjenika predsjednika Vijeća za konkurentnost Općine Jablanica
3. Odluka o komunalnom redu - nacrt
4. Informacija o zaključku Općinskog vijeća vezano za Odluku o radnom vremenu trgovačkih, ugostiteljskih, obrtničkih i srodnih radnji i djelatnosti na području općine Jablanica
5. Izvještaj o ostvarenju Operativnog plana implementacije Strategije razvoja općine Jablanica za 2021. godinu
6. Razno

Predloženi Dnevni red jednoglasno je usvojen.

### **Ad. 1. Izvod iz zapisnika sa XXXI (31.) sjednice**

Dženan Mulahasanović daje izvod iz zapisnika na raspravu.

Obzirom da nije bilo primjedbi na Izvod iz zapisnika sa XXXI (31.) sjednice VZK-a, isti je jednoglasno je usvojen.

### **Ad.2. Izbor Predsjednika i Zamjenika predsjednika Vijeća za konkurentnost Općine Jablanica**

Dženan Mulahasanović je ukratko upoznao članove Vijeća za Poslovanje o radu VZK-a Općine Jablanica sa naglaskom na način izbora Predsjednika i Zamjenika predsjednika.

Predsjedavajući OV-a Emir Muratović je predložio za Predsjednicu VZK-a Almu Pinjić, direktoricu "Modular" d.o.o.

Ramiz Zahirović, direktor JP EP BiH - Podružnica Jablanica je za Zamjenika predsjednika predložio Dženana Mulahasanovića.

Općinski načelnik Damir Šabanović je ukratko objasnio način funkcioniranja Vijeća za konkurentnost, s obzirom da se novoizabrani članovi Vijeća prvi put sastaju u ovom mandatu Vijeća za konkurentnost.

Nakon što su predloženi članovi prihvatili kandidaturu pristupilo se glasanju.

Za Predsjednicu VZK-a je izabrana sa deset glasova za i jedan suzdržan glas Alma Pinjić, direktorica "Modular" d.o.o. Jablanica.

Za Zamjenika predsjednice jednoglasno je izabran Dženan Mulahasanović, Sekretar Općinskog organa.

Mandat izabranih organa traje dvije godine.

### **Ad.3. Odluka o komunalnom redu - nacrt**

Dženan Mulahasanović je pozvao Nermina Kovačevića iz Službe za upravu za prostorno uređenje građenje, zaštitu okoline i stambeno-komunalne poslove da prisutne upozna sa ovom tačkom dnevnog reda.

Nermin Kovačević u svom izlaganju je rekao da je ova Odluka usklađivanje sa Zakonom o komunalnoj djelatnosti, te propisuje koje oblasti treba razraditi.

Ramiz Zahirović je istakao da se odvoz otpada plaća po površini, a da bi bilo pravednije da se plaća po količini istog. Naveo primjer vjerskih objekata u Jablanici koje imaju površinski mnogo kvadrata u odnosu na to koliko komunalnog otpada proizvedu.

Alma Pinjić istakla da se radi o obimnom materijalu i da će UPJ na svojim redovnim sjednicama analizirati ponuđeni dokument i na isti će dostaviti određene primjedbe. Diskutovala je o nužnoj potrebi uvođenja reda u oblasti prikupljanja otpada, selekcije istog te plaćanja odvoza po količinama stvorenog otpada.

Elma Bajramović, Jablanit d.o.o. Jablanica je podsjetila da firma plaća posebnog prevoznika za odvoz otpada.

Adis Šabanović iz Saveza poljoprivrednih udruženja Jablanica je istakao problem pijace u gradu, fasade na objektima i radova na javnim površinama koje traju dugo.

Aldin Širić je rekao da nacrt ima određene manjkavosti, te istakao da je ova Odluka usklađivanje sa zakonom iz 2016. godine.

Općinski načelnik Damir Šabanović je rekao da je problem pijace prije svega problem Saveza poljoprivrednih udruženja, te da ovo udruženje koje okuplja udruženje žena „Most“ Jablanica, pčelarsko društvo „Bagrem“ i udruženje „Poljoprivrednik“ treba međusobnim dijalogom riješiti ovaj problem. Općina Jablanica će im biti na raspolaganju.

Zaključak je da će se na nekoj od narednih sjednica ova Odluka o komunalnom redu naći na dnevnom redu VZK-a, te sagledati sve primjedbe izrečene na današnjoj sjednici, da se prisutni pozivaju da u toku trajanja javne rasprave sagledaju dokument, da nadležnoj službi dostave svoje primjedbe i da će Odluka doći na narednu sjednicu VZK u vidu nacrtu ili prijedloga.

#### **Ad.4. Informacija o zaključku Općinskog vijeća vezano za Odluku o radnom vremenu trgovačkih, ugostiteljskih, obrtničkih i srodnih radnji i djelatnosti na području općine Jablanica**

Dženan Mulahasanović je prisutne upoznao sa Zaključkom Općinskog vijeća.

U Općinu je stigao dopis od „Premier kladionica“ u kojem su upoznali Općinu s tim da je njihovo radno vrijeme uređeno na razini Federacije Bosne i Hercegovine.

Alma Pinjić je rekla da Udruženje privrednika neće imati problem ako sve bude uređeno po zakonu, te da treba obratiti pozornost i na ostale privredne grane.

Pošto se radi samo o informaciji o zaključku OV-a, ovo pitanje će se naći i na sljedećim sjednicama kada dokument bude u zrelijoj fazi, pripremljen u formi nacrtu ili prijedloga. Zaključeno je da se neće donositi ishitrena Odluka te da će ista biti predmetom rasprava zainteresovanih strana.

#### **Ad. 5. Izvještaj o ostvarenju Operativnog plana implementacije Strategije razvoja općine Jablanica za 2021. godinu**

Amela Muratović je istakla da je zadovoljna implementacijom Strategije ispred Služba za LER, investicije, finansije i trezor, s tim da bi to bilo na još višem nivou kada bi bilo više službenika u radu na implementaciji i praćenju Strategije razvoja općine Jablanica.

Dženan Mulahasanović je iznio podatak da je od planiranih 35 projekata po Strategiji razvoja općine Jablanica realizovano 31. Ukupna vrijednost planiranih projekata iznosi 3.529.084,00 KM, od čega 1.167.400,00 KM sredstva su planirana u budžetu Općine Jablanica, a eksterna finansijska sredstva u iznosu od 2.361.684,00 KM. Ukupna vrijednost implementiranih projekata u 2021. godini je 2.516.591,11 KM ili 70,53% u odnosu na planirano. Od ukupne vrijednosti realizovanih projekata 906.935,83 KM obezbijedeno je iz budžeta Općine Jablanica i 1.609.655,28 KM iz eksternih sredstava.

Damir Šabanović je istakao da je Općina donijela novu Strategiju razvoja za period 2021.-2027. godine, da je primjenjena nova metodologija izrade strateških dokumenata koja

podrazumjeva da se u strateške dokumente mogu ugrađivati i novi projekti koji doprinose opštim ciljevima razvoja

#### **Ad.6. Razno**

Po ovoj tački dnevnog reda nije bilo rasprave.

Sjednica VZK – a završena u 15:35 sati.

Zapisnik vodio:

Almir Ćemić

Predsjednica Vijeća za konkurentnost:

Alma Pinjić